



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

3. Columnarum ternio. In prima serie Columnaru[m] Domus sapientiæ
sunt Columnæ tres. Quarum symbola Nubes. Fumus. Ignis. Fides. Spes
Caritas. Tres virtutes Theologicæ

[urn:nbn:de:hbz:466:1-46065](#)

ARTICULUS III.

COLVMNARVM TERNIO.

*In primâ serie Columnarum Domus Sapientiae sunt
Columnæ tres. Quarum symbola,*

NVBES. FVMVS. IGNIS.

FIDES. SPES. CARITAS.

Tres Virtutes Theologicae.

PRINCIPIO tres sese offerunt Columnæ Domus Sapientiae, sine quibus Domus hæc non consistit, Fides, Spes, Caritas. Nolim, ut meam hanc credatis esse fictionem, cum sit assertio magnorum in arte nostra Magistrorum inter quos S. Thomas Aquinas, qui proœmio commentariorum in Epistolam ad Ephesios explicans illud Psalmi LXXIV. Ego confirmavi Columnas ejus, nominat tres Columnas in Sacra-Scriptura celebratissimas, Columnam Nubis, Columnam Ignis, & Columnam Fumi. De Columna Nubis & Ignis frequens est mentio in Exodo.

(a) Cùm enim populus Hebræus egressus ex Ægypto in terram promissionis pergeret, circumiens in solitudine annis quadraginta, Deus ei viam, qua ingredetur, præmonstrabat, die quidem per Columnam Nubis, quæ præibat castra, noctu verò per Columnam Ignis. Scio Rupertum Abbatem, cùm disputaret super allegorica intelligentia Columnæ Nubis & Ignis, docuisse, utramque fuisse illustrem figuram Christi. Is enim verè dici potest

Colum-

(a) Exodi 13.21. Exod. 14. Exod. 40. Num. 9. Num. 14. Deut. 1. Psal. 77. Psal. 98. Sap. 10. Sap. 18.

Columna propter rectitudinem & stabilitatem: nec non, quia ipse sustentat Ecclesiam, veluti Domum, & fulcit infirmitates nostras. In eum competit aptissimè, quod scriptum est de Columna Nubea Numeror xii. *Descendit Dominus in Columna, & Psalmo xcviij.* In *Columna Nubis* loquebatur ad eos. Christus D. rectè comparatur Nubi, quæ homo; Igni quæ Deus. Ipse viam monstrat egredientibus ex Ægypto, & in terram promissionis euntibus: id est, discedentibus à servitute Diaboli, Peccati, ac Mūdi, & in servitutem Dei, ac rerum cœlestium comparationem pergetibus. Vera quidem hæc sunt, sed allegoriam spectant, quam excutiemus, cum Architecturæ sacræ partem allegoricam, quæ est de Christo & Ecclesia, pertractabimus: nunc Tropologiam sectamur, & Virtutum ædificium erigimus, cuius partes non nisi homogeneæ, id est, Virtutes esse possunt.

ARTICVLVS IV.

F I D E S

Columna Nubis.

EXISTIMAT S. Thomas *Columnam Nubis* significare primam Virtutum Theologicarum, Fidem, analogia desumpta, à materia, ejusque conditionibus, & Columnæ illius officiis, quæ perbellè Fidei accommodari possunt. I. IMPRIMIS, erat *Columna Nubis* obscura. Exodi xiv. vocatur tenebrosa. Et cap. xl. dicitur operuisse Tabernaculum testimonii instar umbraculi defendantis ab æstu. *Psalmus civ.* canit David, *Expandit Nubem in protectionem eorum.* Et ad idem referunt nonnulli illud Psalmi